

Na temelju članka 56. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), članka 31. st. (1) i (2), članka 38. Zakona o izvršavanju Proračuna Federacije BiH za 2024. godinu („Službene novine Federacije BiH“, broj 07/24), i Odluke Vlade Federacije BiH o usvajanju Programa utroška sredstava sa kriterijima raspodjele sredstava „Tekući transferi pojedincima - Transfer za sufinansiranje troškova sahrana i dženaza pripadnika braniteljskih populacija“, utvrđenog Proračunom Federacije Bosne i Hercegovine za 2024. godinu („Službene novine Federacije BiH“, broj 19/24), Federalno ministarstvo za pitanja branitelja i invalida domovinskog rata/Federalno ministarstvo za pitanja boraca i invalida odbrambeno-oslobodilačkog rata, objavljuje:

JAVNI POZIV
za podnošenje zahtjeva za ostvarivanje prava na dodjelu jednokratnih novčanih
pomoći za sufinansiranje troškova sahrana i dženaza pripadnika braniteljskih
populacija za 2024. godinu,

I.

Predmet Javnog poziva je odobravanje jednokratnih novčanih pomoći za sufinansiranje troškova sahrana i dženaza pripadnika braniteljskih populacija iz sredstava „Tekućeg transfera pojedincima - Transfer za sufinansiranje troškova sahrana i dženaza pripadnika braniteljskih populacija“, utvrđenog Proračunom Federacije Bosne i Hercegovine za 2024. godinu, na razdjelu 32 – ekonomski kod 6142, Proračuna Federacije BiH za 2024. godinu („Službene novine Federacije BiH“, broj 07/24), u iznosu od 2.200.000,00 KM (slovima: dvamilijunadvijestotinetisuća i 00/100 KM).

II.

Zahtjeve za sufinansiranje troškova sahrana i dženaza mogu podnijeti ratni vojni invalidi, članovi uže obitelji šehida i poginulih branitelja, dobitnici ratnih priznanja i odličja i članovi njihovih obitelji, demobilizirani branitelji za slučaj smrti članova njihove uže obitelji, koji ispunjavaju kriterije iz točke IV. ovog javnog poziva. Sredstva za sufinansiranje troškova sahrana i dženaza pripadnika braniteljskih populacija u 2024. godini dodjeljivat će se mjesečno, u visini odobrenih tekućih proračunskih sredstava, a na temelju zahtjeva podnesenih sukladno Javnom pozivu.

III.

Odobravanje sredstava iz točke I. ovog poziva, vršit će se sukladno općim i posebnim kriterijima, za smrtne slučajeve iz 2024. godine, izuzetno i za smrtne slučajeve iz prosinca/decembra 2023. godine.

IV.

Opći kriteriji za odobravanje sredstava za sufinansiranje troškova sahrana i dženaza definiraju sljedeći uvjeti:

1. Da su podnosioci zahtjeva: pripadnici braniteljske populacije podnosioca zahtjeva ili člana njegove uže obitelji, ratni vojni invalidi, članovi uže obitelji šehida i poginulih branitelja, dobitnici ratnih priznanja i odličja i članovi njihovih obitelji, razvojačeni branitelji za slučaj smrti članova njihove uže obitelji, (pod članovima uže obitelji smatraju se: roditelji, supružnici i djeca).

Posebni kriteriji za odobravanje sredstava za sufinansiranje troškova sahrana i dženaza pripadnika boraničeljskih populacija su:

1. Sredstva Proračuna za 2024. godinu na poziciji „Tekući transferi pojedincima - Transfer za sufinansiranje troškova sahrana i dženaza pripadnika braniteljskih populacija“, mogu se koristiti za dodjelu jednokratnih novčanih pomoći svim fizičkim osobama navedenim u općim kriterijima (ukoliko već nisu dobili pomoć po istom temelju od drugog državnog organa ili institucije, odnosno pravne osobe), u skladu sa općim i posebnim kriterijima.
2. Novčana pomoć za smrtni slučaj iste osobe može se odobriti samo temeljem jednog podnesenog zahtjeva. Dodjela sredstava se vrši na temelju podnesenog pismenog zahtjeva i priloženih traženih dokumenata.

V.

Sukladno sa točkom IV. Odluke Vlade Federacije BiH o usvajanju Programa utroška sredstava sa kriterijima raspodjele sredstava „Tekući transferi pojedincima - Transfer za sufinansiranje troškova sahrana i dženaza pripadnika braniteljskih populacija“, utvrđenog Proračunom Federacije BiH za 2024. godinu, definiran je iznos za dodjelu jednokratne novčane pomoći u iznosu od 400,00 KM (slovima: četiristotine i 00/100 KM).

VI.

Sredstva za sufinansiranje troškova sahrana/dženaza odobravaju se putem nadležne komisije, koju imenuje federalni ministar. Komisija razmatra zahtjeve koji su kompletirani sa svim traženim dokumentima iz točke VIII. Javnog poziva.

VII.

Zahtjevi fizičkih osoba koji su, kao uposlenici državnih, federalnih, kantonalnih ili općinskih organa uprave, upravnih organizacija i drugih javnih ustanova ili preduzeća, već ostvarili pravo na novčanu pomoć po istom temelju za troškovu sahrane/dženaze iz proračunskih sredstava, neće se uzimati u razmatranje.

Nekompletni zahtjevi, sukladno sa ovim Javnim pozivom neće biti uzeti u razmatranje i bit će odbijeni od strane komisije. Ukoliko komisija donese odbijenicu po dostavljenom zahtjevu, podnositelj zahtjeva može dostaviti novi zahtjev, ali sa svom potrebnom dokumentacijom. Federalno ministarstvo nema obvezu vraćati dokumentaciju dostavljenu uz zahtjev.

VIII.

Na zahtjevu za dodjelu pomoći za troškove sahrana i dženaza, podnositelj zahtjeva treba čitko navesti svoje osobne podatke: ime i prezime, ime oca, JMBG, adresu i broj kontakt telefona. Uz zahtjev se obvezno prilažu sljedeći dokumenti:

1. Izvod iz matične knjige umrlih, original ili ovjerena kopija;
2. Uvjerenje o pripadnosti određenoj kategoriji braniteljske populacije podnositelja zahtjeva (kada zahtjev za pomoć podnosi u slučaju smrti člana svoje uže obitelji), izdato od strane nadležnog općinskog organa za vojne evidencije (original ili ovjerena kopija);
3. Uvjerenje o pripadnosti određenoj kategoriji braniteljske populacije umrle osobe, kada zahtjev podnosi član uže obitelji umrle osobe (original ili ovjerena kopija);
4. Kopija osobne iskaznice podnositelja zahtjeva (ovjerena);
5. Potvrda da nije ostvarena novčana pomoć za troškove sahrane/dženaze po istom osnovu, izdata od strane općine (služba za braniteljsko-invalidsku zaštitu) ili kantona;
6. Kopija kartice tekućeg računa ili ovjerena potvrda banke sa brojem tekućeg računa podnositelja zahtjeva;
7. Dokaz o statusu podnositelja zahtjeva:
 - a) Ukoliko je podnositelj zahtjeva zaposlen, potrebno je dostaviti potvrdu od firme da nije ostvarena novčana pomoć temeljem istog;

- b) Ukoliko je podnositelj zahtjeva nezaposlen, potrebno je dostaviti potvrdu sa biroa za zapošljavanje;
- c) Ukoliko podnositelj zahtjeva nije evidentiran na birou za zapošljavanje, potrebno je da dostavi Izjavu pod punom materijalnom i krivičnom odgovornošću da nije zaposlen i da se ne nalazi na evidenciji biroa za zapošljavanje (Izjava treba biti ovjerena u općini);
- d) Ukoliko je podnositelj zahtjeva u mirovini, potrebno je da dostavi ovjerenu kopiju zadnjeg čeka od mirovine.

IX.

Zahtjevi po Javnom pozivu za ostvarivanje prava na dodjelu jednokratnih novčanih pomoći za sufinansiranje troškova sahrana i dženaza pripadnika braniteljskih populacija za 2024. godinu podnose se Ministarstvu **zaključno sa 31.12.2024. godine**, putem pošte ili osobno na adresu:

**Federalno ministarstvo za pitanja branitelja i invalida domovinskog rata/ Federalno ministarstvo za pitanja boraca i invalida odbrambeno-oslobodilačkog rata,
ul. Hamdije Čemerlića br. 2, 71000 Sarajevo,**

sa naznakom:

„Javni poziv za podnošenje zahtjeva za ostvarivanje prava na dodjelu jednokratnih novčanih pomoći za sufinansiranje troškova sahrana i dženaza pripadnika braniteljskih populacija za 2024. godinu, utvrđenog Proračunom Federacije Bosne i Hercegovine za 2024. godinu“.

X.

Obrazac zahtjeva za sahrane i dženaze pripadnika braniteljskih populacija će biti objavljen na web stranici Ministarstva (www.fmbi.gov.ba), a isti će se moći preuzeti i u prostorijama Pisarnice Ministarstva.

MINISTAR

Nedžad Lokmić,

Broj: 01-37/2-1178/24
Sarajevo, 21.03.2024. godine

